

nerè. Accepi varia ex Hispaniâ quæ scripserat in Americâ.

Precor immensè, mittas mihi Pathologiam; tu mihi unicus auctor, quidquid alii contrarientur; sed ignari nostrates..... sed homines rudes nesciunt quid sit methodus. Tu unicus es mortalium, qui viam aperuisti; negant eam ingredi cœcæ talpæ.

Vidi Adansonii priorem tomum; continet pulchra Conchilia; multa putat nova, quæ non sunt.

Quæso, dicas mihi quo die succubuerat Anton. Jussieu. Novi quod erat mense Maio, at diem non novi\*.

B. Jussieu sibi sapit, nec aliis; parùm mihi quidquid dicat.

Inclusa erat epistolæ, altera, *Chenopodium polyspermum*, altera, cujus folium misisti, *Urena lobata*; si propriùs adspicias, videbis eam habere calycem exteriorem; habeo ego eamdem, et per plures annos habui, et hoc tempore floret in hybernaculo, nec unquàm vidi sinè calyce exteriore; quod confidentiùs assero esse eamdem, evincunt pori tres melliferi à tergo omnium folio-

---

\* 22 avril 1758.